

## REGLUGERÐ FRAMKVÆMDASTJÓRNARINNAR (EB) nr. 655/2004

2008/EES/22/19

frá 7. apríl 2004

## um breytingu á reglugerð (EB) nr. 466/2001 að því er varðar níturat í matvælum fyrir ungbörn og smábörn (\*)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 315/93 frá 8. febrúar 1993 um málsmeðferð fyrir Bandalagið vegna mengunarefna í matvælum <sup>(1)</sup>, einkum 3. mgr. 2. gr.,

að höfðu samráði við vísindanefndina um matvæli,

og að teknu tilliti til eftirfarandi:

1) Í reglugerð framkvæmdastjórnarinnar (EB) nr. 466/2001 <sup>(2)</sup> eru tilgreind hámarksgildi [0: hámarks-magn] tiltekinna aðskotaefna [0: mengunarefna] í matvælum, þ.m.t. matvælum sem ætluð eru ungbörnum og smábörnum og sem falla undir tilskipun framkvæmdastjórnarinnar 96/5/EB frá 16. febrúar 1996 um unnin matvæli með korn sem uppistöðu og barnamat fyrir ungbörn og smábörn <sup>(3)</sup>.

2) Samkvæmt reglugerð (EB) nr. 466/2001 skal fastsetja sérstök hámarksgildi fyrir aðskotaefni í matvælum, sem ætluð eru ungbörnum og smábörnum, eigi síðar en 5. apríl 2004.

3) Sem svar við álit vísindanefndarinnar um matvæli frá 1995 eru sett hámarksgildi með reglugerð (EB) nr. 466/2001, eins og henni var breytt með reglugerð (EB) nr. 563/2002 <sup>(4)</sup>, fyrir níturat í tilteknum tegundum grænmetis. Í því skyni að vernda lýðheilsu, einkum með tilliti til hugsanlegra tengsla við myndun krabbameinsvaldandi efna á borð við nítrosamín, skal lækka níturatgildið eins mikið og unnt er.

4) Ungbörn og smábörn eru viðkvæmur þjóðfélagshópur og til að vernda heilsu þeirra er rétt að fastsetja lágt hámarksgildi sem unnt er að ná fram með því að velja af kostgæfni það hráefni sem er notað til framleiðslu á unnum matvælum með korn sem uppistöðu og barnamat.

5) Með tilskipun framkvæmdastjórnarinnar 2002/63/EB <sup>(5)</sup> eru teknar upp sýnatökuaðferðir innan Bandalagsins við opinbert eftirlit með leifum varnarefna í og á vörum úr jurta- og dýraríkinu og tilskipun 79/700/EBE <sup>(6)</sup> er felld úr gildi. Ákvæðum tilskipunarinnar er ætlað að ná yfir sýnatöku við opinbert eftirlit með níturati.

6) Breyta ber reglugerð (EB) nr. 466/2001 til samræmis við það.

7) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferli og heilbrigði dýra.

SAMÞYKKT REGLUGERÐ ÞESSA:

I. gr.

Ákvæðum I. viðauka við reglugerð (EB) nr. 466/2001 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún gildir frá 1. október 2004.

Reglugerð þessi gildir ekki um vörur sem voru settar á markað fyrir 1. október 2004 í samræmi við gildandi ákvæði. Sönnunarbyrðin varðandi það hvenær vörurnar voru settar á markað hvílir á rekstraraðila viðkomandi matvælaafyrirtækis.

(\*) Þessi EB-gerð birtist í Stjtið. ESB L 104, 8.4.2004, bls. 48. Hennar var getið í ákvörðun sameiginlegu EES-nefndarinnar nr. 57/2005 frá 29. apríl 2005 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá *EES-viðbætur við Stjórnartíðindi Evrópusambandsins* nr. 46, 15.9.2005, bls. 22.

<sup>(1)</sup> Stjtið. EB L 37, 13.2.1993, bls. 1. Reglugerðinni var breytt með reglugerð Evrópubingsins og ráðsins (EB) nr. 1882/2003 (Stjtið. ESB L 284, 31.10.2003, bls. 1)

<sup>(2)</sup> Stjtið. EB L 77, 16.3.2001, bls. 1. Reglugerðinni var síðast breytt með reglugerð (EB) nr. 455/2004 (Stjtið. ESB L 74, 12.3.2004, bls. 11).

<sup>(3)</sup> Stjtið. EB L 49, 28.2.1996, bls. 17. Tilskipuninni var síðast breytt með tilskipun 2003/13/EB (Stjtið. ESB L 41, 14.12.2003, bls. 33).

<sup>(4)</sup> Stjtið. EB L 86, 3.4.2002, bls. 5.

<sup>(5)</sup> Stjtið. EB L 187, 16.7.2002, bls. 30.

<sup>(6)</sup> Stjtið. EB L 207, 15.8.1979, bls. 26.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 7. apríl 2004.

*Fyrir hönd framkvæmdastjórnarinnar,*

David BYRNE

*framkvæmdastjóri.*

VIÐAUKI

Í 1. þætti I. viðauka, Nítröt, bætist við eftirfarandi liður 1.5:

Vara	Hámarksgildi (mg NO <sub>3</sub> /kg)	Sýnatökuaðferð	Tilvísunargreininga aðferð
„1.5. Barnamatur og unnin matvæli með korn sem uppistöðu fyrir ungbörn og smábörn <sup>(1)</sup> <sup>(2)</sup> “	200	Tilskipun framkvæmdastjórnarinnar 2002/63/EB (sömu ákvæði og fyrir unnin matvæli úr jurtaríkinu og fyrir unnin matvæli úr dýraríkinu)	

<sup>(1)</sup> Barnamatur og unnin matvæli með korn sem uppistöðu fyrir ungbörn og smábörn samkvæmt skilgreiningu í 1. gr. tilskipunar framkvæmdastjórnarinnar 96/5/EB frá 16. febrúar 1996 um unnin matvæli með korn sem uppistöðu og barnamat fyrir ungbörn og smábörn. Hámarksgildin eiga við um afurðir sem eru tilbúnar til neyslu eða endurgerðar samkvæmt fyrirætlum frá framleiðendum.

<sup>(2)</sup> Framkvæmdastjórnin skal endurskoða hámarksgildin fyrir nítröt í matvælum fyrir ungbörn og smábörn eigi síðar en 1. apríl 2006 og taka tillit til aukinnar þekkingar á sviði vísinda og tækni.“